

# Áššeovddideapmi

Vuodđodokumeanta.  
 Jorgaluvvon dokumeanta

Vuorkááššenr. <b>2020/1446-6</b>	Vuorká: <b>255</b>	Áššemeannudeaddji: Venke Sandnes Hermansen	Dáhton: <b>02.06.2021</b>
-------------------------------------	-----------------------	---	------------------------------

<b>Lávd.áššenr.</b>	<b>Lávdegoddi:</b>	<b>Čoahkkindáhton:</b>
	Hovedutvalg for kultur, næring og teknisk	
	Ovdagotti mearrádusevttohančoahkkinn	
	Suohkanstivra	

## MEARRÁDUSA RIEVDADEAPMI - VUOITU JA STIVRAHONORÁRA SUOHKANA FITNODAGAIN

### Diehtu mearrádusa birra sáddejuvvo:

Áššemeannudeaddjái  
Revišuvdnii

### Čujuhit:

Suohkanastivrra mearrádussii 14/21

### Ášši duogáš:

Suohkanstivra lasihii ášši 14/21, 08.04.2021, mearrádussii čuovvovaš sátnádeami: "Suohkanáirasiid stivrabálkkát váldojit fárrui jahkásaš eaiggátvuođadieđáhussii".

Eaiggátvuođadieđáhus ii leat jahkedieđáhus, ja danne ii leat lunddolaš dasa lasihit dakkár dieđuid. Váldonjuolggadussan meannuduvvo eaiggátvuođadieđáhus oktii válgaáigodagas, maŋnel válggaid. Minddar meannuduvvo dušše jus dárbaša stuora rievdadusaid dahkat. Smávit ođasteamit Ovttatregistara rievdademiid geažil dahkkojit almmá suohkanstivrra mearrádusa haga. Danne ii leat lunddolaš lasihit suohkanáirasiid stivrahonoráraid eaiggátvuođadieđáhussii.

Diehtu stivrahonorára birra gozihuvvo eaiggátvuođadieđáhusa čuoggá 2.6.4 raporterengeatnegasvuođa bokte. Dat mearkkaša ahte čoahkkingirijit sáddejuvvojit sátnajođiheaddjái, vai sus lea vuođđu čuovvulit ja bearráigeahččat ahte suohkana beroštusat váldojit vuhtii eaiggátvuođadieđáhusa mearrádusaid mielde. Suohkanstivra galgá oažžut referáhtaid čoahkkingirijiin, ja dan bokte juohke generálačoahkkima maŋnel dieđihuvvo eaiggádiidda.

Generálačoahkkinn mearrida stivrahonorára aksjeloven §6-10 mielde. Aksjeloven bokte ii leat suohkanstivrra váldi mearridit stivrahonorára.

Eaiggádat sáhttet eaiggátvuođadieđáhusa bokte ovddidit sávaldagaid stivrahonorára sturrodaga hárrái, muhto stivrahonorára sáhttá dušše generálačoahkkinn mearridit.

Eaiggádiid sávaldagat čállojit guoskevaš fitnodaga vuordámuš- gurgadussii eaiggátvuodadieđáhusa 3 kapihttalii.

Dál leat buot fitnodagain, main Guovdageainnu suohkan eaiggáda stuora oasi, čuovvovaš vuordámušat čállon vuordámuš -gurgadussii:

*Ahte stivrra máksu hábmejuvvo dainna lágiin ahte dat ovddida fitnodaga árvoháhkama, ja lea govtolaš stivrra ekonomalaš- ja ránggáštusrievttálaš ovddasvástádusa, mihttogáibádusa, gelbbolašvuoda, áigegeavaheami ja barggu mohkkáivuoda vuodul. Stivrra máksu galgá leat muttágis.*

Jus suohkanstivra háliida buktit dárkileabbo láidehusaid stivrahonorára sturrodaga hárrái, de fertet dat dahkkot spesifihkka juohke fitnodaga várás ja čállot eaiggátvuodadieđáhusa kap.3. Dat lea dasto stivrahonorára sullii sturrodaga signála, ii ge mearrádus.

Evttohuvo ahte suohkanstivra sihku cealkaga “Suohkanáirasiid stivrabálkkát váldojit fárrui jahkásaš eaiggátvuodadieđáhussii” ášši 14/21 mearrádusas 08.04.2021. Nu ahte mearrádus vástida álgoálgosaš mearrádusárvalusa.

### **Mearrádusevttohus:**

Suohkanstivra mearrida ahte eai galgga ásahuvvot sierra vuoittu ja stivrahonorára njuolggadusat fitnodagaide máid suohkan eaiggáduššá 100%.